

四庫全書

集部

欽定四庫全書

集部
傳家集卷八

詳校官庶吉士臣李如筠

檢討臣何思鈞覆勘

總校官庶吉士臣倉聖脉

校對官監丞臣張曾炳

謄錄監生臣張龍升

欽定四庫全書

傅家集卷七

宋 司馬光 撰

律詩二

歸田詩

同年張周輔嘗語及仕宦之多端因稱仲長子有言使
吾有良田美宅背山臨流適意極樂誠無事於此慨然
感之作歸田詩五章

秋水風波大嗟嗟未可遊漁樵自應樂珪組為誰憂直

木知先伐明珠忌暗投果然鈎可曲不惜取封侯
絃冕誠虛器簪裳悉畏途觸機身未保好直道先孤甌
石曾何有田園浪更無可能推兩耜沮溺共為徒

聖哲雖云遠遺文幸未亡沈冥觀禮樂髣髴見虞黃雞
黍延三逕琴書樂一堂逍遙名教內富貴亦微茫

松菊陶潛宅蓬蒿仲蔚家行遊筇杖瘦嘯傲幅巾斜屋
小踈茅覆門深亂柳遮村童迎客至竹帚掃桃花

桑柘綠無際田間戴勝飛清醪迎社熟鳴雉向春肥執

未時將急銜盃日漸稀
四鄰能共樂招飲莫相違

詠史三首

不事王侯者翛然
鄭子真開田谷口
美荷鋤白渠
春德化移鄉曲
聲光動搢紳
一時鍾鼎貴
磨滅彼何人

延陵腰利劍
上國使初通
待我周遊徧
逢君遺奠終
晶熒繫高樹
蕭瑟動寒風
誰敢欺生死
蒼蒼照爾衷

春風三閣上
珠翠日紛紛
樂飲陶江月
清歌過海雲
醉中失陳國
夢裡入隋軍
玉樹庭花曲
淒涼不可聞

秋夜望月

萬里氛昏歇金波秋更明星連河渚閣風繞桂枝生鵝
鵲臨華館新豐落故城古今佳賞盡殊自有餘清

漢宮詞

首啻花猶短蒲萄葉未齊更衣過柏谷走馬宿棠梨逆
旅聊懷壘田間共鬪雞猶思飲雲露高舉出虹蜺

讀漢武帝紀

方士陳僊術飄飄意不疑雲浮仲山鼎風降壽宮祠上

藥行當就殊庭庶可期蓬萊何日返五利不吾欺

詠寒士

洋洋泌水側蓬室苦蕭條衣薄難勝夜厨閒空過朝笑
談東郭履歌誦買臣樵但問才何似無疑卿相遙

野廟

古廟崩榱在牆間雜樹荒依稀設餘像寂寞闕祠堂舊
日牲緞地今晨狐兔鄉英靈如未滅何以度淒涼

呂祿廟

金定山屋全書
赤帝祚四百徒然諸呂謀出遊逢友賣未返見家收弊
冢昔無託遺祠今幸留士心俱左袒何怨曲周侯

梅花三首

從與夫君別
寒花幾度春
坐愁芳樹老
況乃鑑中人
塞北為君戍
江南是妾家
遙知關外雪
只似嶺頭花
驛使何時發
憑君寄一枝
隴頭人不識
空向笛中吹

雲際亭

高齋杳冥際
迥與世塵違
席上山河近
天邊桑柘微
人

間已飄灑棟裏始紛霏
草樹收殘照逍遙久未歸

和孫器之清風樓

賢侯宴枚馬歌鼓事繁華
晚吹來千里清商落萬家
平原轉踈雨遠樹隔殘霞
宋玉雖能賦還須念景差

先春亭

園林近鈴閣旦夕被仁風
自得芳菲早豈將踈遠同
冰開半塘綠雨借數枝紅
會待韶光徧還應到野叢

沈陰欲雪與同列會飲南齋

簿領日沈迷從容樂事稀賓朋幸相值樽酒不須違慘
澹愁雲積參差遠樹微淹留勿輕散待取雪花飛

五哀詩

孔子惡利口之覆邦家者甚矣讒之為害不可一二數
也聊觀戰國以來楚之屈原趙之李牧漢之晁錯馬援
齊之斛律光皆負不世之才竭忠於上然卒困於讒不
能自脫流亡不得其所而死或者國隨以丘墟此其尤
可大哀者也因即其事作五哀詩且以警後世云

屈平

白玉徒為潔幽蘭未謂芳窮羞事令尹踈不忘懷王寃
骨消寒渚忠魂失舊鄉空餘楚辭在猶與日爭光

李牧

椎牛饗壯士拔距養奇材敵帳方驚避秦金已闔來旗
旗移幕府荆棘蔓叢臺部曲依稀在猶能話郭開

晁大夫

人主恩猶盛讒夫弄舌端旋聞就斧質不得解衣冠反

賊齒纔冷謀臣心盡寒
晁宗唯類盡漢室泰山安

馬伏波

漢令班南海蠻兵避鬱林
天涯柱分界徼外貢輸金
坐失姦臣意誰明報國心
一棺忠勇骨漂泊瘴煙深

斛律丞相

君臣日荒宴歌舞諱言愁
老相猶當國強鄰不敢謀
謠言雖未出姦謗已先流
誰察忠臣意通宵抱膝憂

遣興

京洛紅塵裏閉門常獨居雖無守道愧終與趣時疎
文舉徒飛表曹丘懶挾書誰憐從宦久不及策名初待免
謀真拙屠龍藝亦虛何當治歸計松菊繞吾廬

閹吏

弊車羸馬犯塵泥愁到朱門徧徧辭相國舍人難驟見
將軍馬監豈相知因循歲月勞何補顛倒風埃辱固宜
惆悵東岡舊陂在素心空負白雲期

山家

金五口月二
卷七
林下脫雙履
牕邊掛幅巾
閒堂風掩戶
斷嶺月窺人

風

隴首紅旌急
罇前翠幕重
林端翻遠剝
花外轉疎鐘
夜寂清機發
春闕別意濃
如何玉琴韻
併欲在青松

金山寺

香剝冠崖我
松門絡薜蘿
風清塵不到
岸闊鳥難過
欲雨江聲怒
新晴海氣多
行舟未搖棹
回望隔烟波

出塞

邊草荒無路星河秋夜明卷旗遮遠塞歇馬受降城霜
重征衣薄風高戰鼓鳴將軍功未厭士卒不須生

古松

摧頽巖壑間磊落得天頑香葉低漸水餘根倒挂山白
猿窺子落黃鶴認巢還不久應為石莓苔舊已斑斑

故絳城

文公恢霸略征討輔周衰奕世為盟主諸侯聽會期山
河表裏在朝市古今移欲訪虎祁處鄉人亦不知

塞上四首

節物正防秋，關山落葉稠。
霜風壯金鼓，霧氣濕旌裘。
未得西羌滅，終為大漢羞。
慙非班定遠，棄筆取封侯。

鴻鴈秋先到，牛羊夕未還。
旌旗遙背水，亭堠遠依山。
落日銜西塞，陰烟澹北關。
何時獻戎捷，鞍甲一朝閒。

瀚海秋風至，蕭蕭木葉飛。
如何逢漢使，猶未寄征衣。
不歎千里遠，難甘一信稀。
年年沙漠雁，隨意得南歸。

劍客蒼鷹隊，將軍白虎牙。
分兵邏固水，縱騎獵鳴沙。
浪

有書藏袖難憑信
達家不堪聞曉角
吹盡落梅花

黃柑

黃金綴縹蒂
搖落楚江涯
采助杯盤勝
羞將橘柚偕
時移香不變
物遠味尤佳
欲種滄洲樹
何年此意諧

晉陽三月未有春色

天心均煦嫗
物態異芬芳
上國花應爛
邊城柳未黃
清明空改火
元已漫浮觴
仍說秋寒早
年年八月霜

柳溪對雪

春風不勝雪散漫度龍沙密映綠谿柳爭飛亂眼花
夷賒美酒油壁繫輕車塞下芳菲晚聊將當物華

酪羹

軍厨重羊酪饗士舊風傳不數紫萸滑徒誇素鮪鮮
燻燻煩桐取勺藥助烹煎莫與吳兒說還令笑茂先

奉同道矩謝始平公惠硯

爵臺今已傾甌瓦出蕪城還入縑緗用尤資筆墨精
相君憐古物內史擅書名聊用飛軍檄何愁楯鼻平

陪始平公燕柳谿

谿光不動柳風輕
玉帳森沈擁萬兵
鷗入煙中閒自舞
魚翻波面喜相迎
樓船下視晴天碧
鼓吹前驅遠陌清
桃李歸時應盛發
薰然和氣滿春城

到并州已復數月率爾成詩

忽忽此何地
經時更自猜
深疑醉裏得
復似夢中來
薄宦真何益
浮生信可咍
鵬蜩定有分
不若寸心灰

和道矩送客汾西村舍杏花盛開置酒其下

金匱要略卷之十一
卷七
田家繁杏壓枝紅，遠勝桃夭與李穠。
何事偏宜閒處植，無端復向別時逢。
林間暫繫黃金勒，花下聊飛碼碯鐘。
會待重來醉嘉樹，只愁風雨不相容。

北軒老杏其大十圍，春色向晚止開一花，予憫其憔悴，作詩嘲之。

春木爭秀發，嗟君獨不材。
須慙一花少，強逐衆芳開。
頑艷人誰采，微香蝶不來。
直為無用物，空爾費栽培。

杏解嘲

造物本非我榮枯那足言但餘良翰在何必艷花繁壯
麗華林苑歡娛梓澤園芳菲如可采豈得侍君軒

寄陝西提刑江學士

明主矜庶獄選才從本朝鄭侯三尺律漢使一封輶郡
國清名滿闕河古意饒淒涼乘障客華髮日蕭蕭

從始平公城西大閱

滄溟浴日照春臺組練光中玉帳開汾水騰凌金鼓震
西山宛轉旆旌迴逍遙靜散晴空雨叱咤橫飛迥野雷

坐鎮四夷真漢相武侯空復道英才

陪諸君北園樂飲

浩歌縱飲任天機莫使歡娛與性違
玉枕醉人從獨卧金羈倦客聽先歸
須知會府閒時少況復邊城樂事稀
花卉正濃風日好今年已不負春暉

和道矩紅梨花二首

繁枝細葉互低昂香敵醪醕艷海棠
應為窮邊太寥落併將春色付穠芳

蜀江新錦濯朝陽
楚國纖腰傳薄粧
何事白花零落早
同時不改鬪芬芳

和懋賢聞道矩小園置酒助以酒果副之以詩
芙蓉幕下惜餘閒
不使芳華取次殘
珍果醇醪與新句
併將佳味助清歡

數日不至後圃今晚偶來芳物都盡率然成詩
爛漫不解賞飄零
空慘悽殘紅正滿地
不忍踏芳蹊

和樂道自河外南轅過宜芳雨晴和氣景物可

愛馬上偶成

京洛春應老河邊
初解顏碧浮煙際
草翠滴雨餘山目
極塞帷外詩成攬
轡間滿川桃李色
共喜傳車還

夏日

窮邊已深夏氣色
耿清秋鮮旭開山
郭涼煙澹戍樓堦
鈴烽火息區脫虜
塵收迨此軍中暇
無妨文雅遊

晨發故關寄逢吉

畫戟衣中趨絳帳
驛亭門外拂征鞍
已嗟漂泊三年別

更負從容十日歡
煖席未窮談笑樂
陟岡相望滯留難
揚鞭策馬幾多意
原上秋風作晚寒

中秋夜始平公命與考校諸君置酒賦詩

月華秋色雨鮮新
萬里澄空不受塵
兔濯素毛騰浩露
桂飄香實下飛輪
光侵酒面寒無力
清入詩豪健有神
坐客何須辭醉倒
相君應不惜車茵

病酒呈晉州李八丈

身如五嶺炎蒸裏
心似三江高浪中
誰道醉鄉風土好

舟車常願不相通

和李八丈小雪同會有懷鄰幾

天祿淹回德齒尊
暫留汾曲兩朱轡
閒軒坐嘯正飛雪
同舍倦遊來及門
空嘆高歌如郢客
愧無佳賦似文園
坐中猶欠鄰幾在
深負棊枰與酒樽

三月晦日登豐州故城

春盡蕪城天一涯
白榆生莢柳生花
滿川戰骨知誰罪
深屬來人城覆車

寄聶之美

之美時監
韶州錢監

去歲雙毛白今春一齒零人生浮似葉客宦泛如萍塞
上貂裘弊天涯海氣腥何當占箕頽蕭散並柴扃

又寄

心目悠悠逐去鴻別來容易四秋風莫嗟密密書連紙
萬里經年信一通

和錢學士

公輔字
君倚

呈邵興宗

霜露蒼蒼宰樹高累茵列鼎重鴻毛蒹葭自幸猶依玉

體牌何能學，奏刀才薄無由裨。覆燾命奇不得報，劬勞

光仕始周歲
二親繼喪

平生念此心，先亂蓼蓼難分莪與蒿。

曉思

束帶朝尚早，蓬門未脫扃。短籬潛落月，老樹帶孤星。隱
几貂裘黑，開編竹簡青。子雲非執戟，何以得窮經。

錢君倚示詩有歸吳之興，為詩三十二韻以贈。

吳越為君土，嶠函是我家。濯纓從吏事，傾蓋聚京華。奕

世交朋重

二先君景德二
年同年進士

同僚分誼加

光與君倚崇文
吏部開封皆同

官

聲光嘗耳剽臭味辱肩差選士參縣石烝髦應椽置
帝畿圍日月蓬堵積煙霞咨訪傾肝膽推褒借齒牙後
來慙瓦礫旁倚愧蒹葭談論寥天一詠諧老柏槎虛舟
坦莫逆璞玉瑩無瑕信美陪遊行胡為起咄嗟勞歌盡
鄉思旅夢各天涯誠厭簪紳累難堪獄訟譁垢甯朝插
蝟貫索暮如麻震震霑朝服蝸蟾沸尹衙宿姦牢窟宅

弊俗費鞭撻紫繪思吹絮

吳中食鱖魚繪以楊花為候

羊羹憶卧沙

關中美羊有卧沙細肋

梅林連雨熟梨味得霜佳秋色城臨水春

金匱口唇
風路入花稻肥初斷蟹

斷蟹事見
笠澤叢書

桑密不通鴟

秦人謂
桑密有

鴟飛不
過之語

感劬浮盤芡鉤聯卧壠瓜江萼半卷葉石蕨乍

舒芽風物隨鄉樂山川苦道遐若人才有裕修已德無邪
正恐臨髑髀安能捨鎔鋤怒飛期寢逼肥遯迹猶賒不
比溝中木微同井底蛙果能真引去誰復強邀遮旋結
蝸牛舍還乘下澤車閉門常反拒醉憤任欵斜林野遊
如鹿泥塗蟄似蛇故人時記憶陽羨致新茶

喜張聖民得登州

盡日少閒暇中宵夢亦勞
符移空浩浩榜楚鎮警警敢
說今求郡隴思昔坐曹羨君乘五馬東去一何高

詩寄雲夫處士老兄兼呈知府待制八丈

一鷄曾飛奏中林下鶴書今乘使君馬重到逸人居
松竹過從久問閭惠愛餘只應棠樹影比舊更扶踈

和任屯田

迥字元道感舊敘懷

結交英俊樂如何風誼敦明寄詠歌
自致青雲今有幾化為異物已居多
積中本自沽良價毫末安能滑至和

鄰笛不堪頻嘆息酒爐那得重經過年華易度牕塵影
人事難期海水波賢業著鞭猶可在況君壯齒未蹉跎

次韻和沖卿中秋隴月

豈無錦幄翠簾垂匝樹明燈正赫曦共惜月華方滿夜
更當秋色中分時烏皮几穩風侵鬢白玉樓高冷透肌
千里浮雲何處斷北來試問鴈應知

次韻和鄰幾秋雨十六韻

氣象殊朝夕興居錯晦明混元初不宰靈雨浩無程蟄

隘寧天意咨嗟固物情曠暝方有望蒼蔚已隨生杲杲
升還隱悽悽斷復行亂莎長被徑荒蘚綠緣甍轍迹康
莊絕潢汙墉畝平茅茨不足庇禾黍若為成蟋蟀頽牆
泣蚍蜃壞竈盈乘時衆鷗舞得意怒蛙鳴牛馬誰分異
蕭蘭已混并居閒猶巨度負重沉遐征舟泊川無渚輪
摧路有阮輶羨愁病婦煬竈擁寒嬰災不妨明德神
應格至誠淳光終下燭時藿久心傾

和始平公郡齋偶書二首

文武從容兩有餘，公槐將幕往來居。
已安四海如三傑，欲散千金比二疏。
今日監邊親跪轂，佗年入殿賜乘車。
武侯暫為蒼生起，長憶隆中卧舊廬。

平安候火出雲間，區脫無塵刁斗閒。
漢相威聲遙制敵，胡兵遠迹夜開關。
赤松雅意思輕舉，黃閣羣心望復還。
玉帳牙旗空壯觀，謝公高興在東山。

春獵

小苑微寒春鴈飛，石闕宮外草萋萋。
漢家旌旆連圍合，

秦國山川入望低
花色纔臨珠綴發
柳陰欲傍金隄齊
韓嫣承恩來視獸
飛塵遙出建章西

柳枝詞十三首

煙滿上林春未歸
三三兩兩雪花飛
柳條別得東皇意
映隄拂水已依依

依依高樹出宮牆
搖曳青絲百尺長
願與宣溫萬年樹
年年歲歲奉君王

君王遊豫賞青春
折柳為卷賜侍臣
莫怪長條低拂地

只緣供掃屬車塵

屬車隱隱遠如雷
陳后愁眉久不開
楊花都不知人意
故入長門宮裏來

長門宮曉未成粧
結雨縈風蔽瑣牕
莫令透入華梁鶯
那堪負汝更雙雙

雙雙春鶯颺雲霄
楚國宮深樂事饒
會待急管繁絃際
試取纖條並舞腰

舞腰續紛長樂東
柳間帳飲送春風
請君試望邯鄲道

青門裛晨徹新豐

新豐道上灞陵頭又送夫君去遠遊
借問柳枝能寄否
古今共有幾多愁

多愁尤是別離深折條相贈各沾襟
留住不住居人意
欲去未去行人心

行人白馬去遙遙初上金堤欲過橋
望塵不見遮人眼
苦怨無情萬萬條

五柳先生門乍開宅邊植杖久徘徊
陌頭遙認顏光祿

詰旦先乘瘦馬來

白雪雖然比絮花
艷陽不得共繁華
為君故入烏衣巷
飛舞風流謝傅家

宣陽門前三月初
家家楊柳綠藏烏
歡似白花飄蕩去
忍能棄擲博山爐

上郡南三十里有相思亭在太山之麓二水所
交平臯之上往來者徒習其名莫詳其義慶
歷甲申歲余適延安過於其下于時夏虜梗

邊征戍未息竊感東山采薇之義敘其情而
愍其勞因作五詩庶幾不違周公之指且以

釋亭之名爾

慶曆四年作

嶺上雙流水猶知會合時行人過於此那得不相思
偃蹇登脩阪高侵雲日間幾人征戍客跋馬望家山
塞上春寒在東風雪滿鬚河陽機上婦知我苦辛無
柳似妖饒舞花如爛漫粧那堪隴頭水嗚咽斷人腸
空外遊絲轉飄揚似妾心別來今幾日髣髴近雕陰

友人楚孟德過余縱言及神仙余謂之無孟德
謂之有伊人也非誕妄者蓋有以知之矣然
余俗士終疑之故作遊仙曲五章以佐戲笑
云

神仙謂無還似有秦漢可憐空白首會須一躡青雲梯
與子同祛千古疑

仙術有無終未知眼看白髮亂如絲何時得接浮丘袂
滄海橫飛萬餘里

若士北遊窮地角還食蛤蜊養龜殼盧敖尸骨不能飛
今朝九垓何處期

仙家不似人間歡瑤漿琅菜青玉盤乘醉東遊憩陽谷
酒瓢閒掛扶桑木

拖師知子能操舟穩過茫茫滄海流白浪駕天千萬里
直令挂骨長鯨齒

武成致齋奉酬吳冲卿寺丞太學宿直見寄二

首

廣文更直太常齋咫尺無從盡素懷不及清風得隨意
夜深容易過天街

雪後餘冰尚綴簷月華霜氣入疎簾難堪瓊玉驚心骨
坐覺清寒幾倍添

雪中尋友人不遇

擁袖犯風雪驅車行詣誰朱門不可入素友復難期依
世誠多拙迷方忽自悲褊心終寡合吾道易參差

河邊曉望

高浪崩奔捲白沙悠悠極望入天涯誰能脫落塵中意
乘興東遊坐石槎

早春寄東郡舊同僚

樓臺帶餘雪寒色未全收久負入闕意空為同舍羞清
樽接勝友飛蓋從賢侯應恨春來晚烟林已數游

邊將三首

紅旗一簇聚山椒霽日清風看射雕脫帽少年遙稽首
漢家新將霍嫖姚

月白星稀霜氣多卷旗束甲涉葱河田家不覺官軍度
夜半只聞風雨過

橫吹長笛十萬騎將軍塞北立功迴邊人爭出孤城望
漸見旌旗天外來

傅家集卷七

欽定四庫全書

傅家集卷八

宋 司馬光 撰

律詩三

感興寄聶之美

平生百無可強為一官縻世味偏予薄心期獨子知
林猿愁玉瑣櫪馬患金羈年事今華髮求榮欲為誰

和江鄰幾金鈴菊

何處見佳菊秋風汶水陽酒浮金鐸細露泛蜜房香不

金匱要略卷八
謂紅塵地相逢君子堂依然故人意不減舊芬芳

寄清逸魏處士

鄉樹三搖落臨風歌式微徒嗟俗緣重端使素心違
茅閣松杉冷山園藥草肥不能如海鷺歲歲一西飛

贈清衍

我厭俗緣苦空為薄宦牽如師真達者於世亦超然
敝笠衝塵陌寒雲擁雪天崎嶇遠相顧深愧此心專

夢穉子

窮泉織骨已成塵幽草閒花二十春昔日相逢猶是夢
今宵夢裡更非真

二月二十四日館宿興宗舍後桃花盛開偶書

牖上

金馬春寂寂穠桃隨意開夕風零落盡不待主人來

二月三十日與同舍宴李氏園晚歸馬上賦詩

歸字

門前蹀躞金羈滿坐上連翩玉笋飛數尺遊絲留客醉

長安四月全書
卷八
一行垂柳送人歸同邀勝友時難得重到名園花已稀
莫惜芳辰賸行樂無端風雨橫相違

和宋次道西都元日懷不疑并見寄

露冕優分竹題興佐畫圻比年攜手樂茲日賞心違齋
祀春來併娛遊別後稀誰憐從窶卒草際犯寒歸

酬次道板橋晚望見寄

春來曾約醉河橋深負垂楊千萬條今日都門相望處
西風亂葉正蕭蕭

雙井茶寄贈范景仁

春睡無端巧逐人，驅訶不去苦相親。
欲憑洪井真茶力，試遣刀圭報谷神。

正月二十四日夜雪

蠱瓦浮輕雪，參差粉畫難。
苦欺初變柳，故壓未生蘭。
夜色微分白，春容不受寒。
即為花卉奪，猶得暫供看。

酬不疑雪中書懷見寄

校理邵必

直道免三黜，敢云羞小官。
盤餐紅粟澁，衣桁黑貂寒。
畫

金少眉全言
卷八
府容身易侯門曲意難荆扉盈尺雪有客問袁安

答師道對雪見寄

直講陳洙

陰風一夕驚曉雪滿都城氣覆千家白光連萬象清戀
空飛不下弄態舞相縈歷亂看無定飄飄轉未成綴垣
時缺剝壓竹乍欹傾細隙過無滯寒臆拂有聲園林旬
結練觀閣巧彫瓊草木情先喜乾坤意亦榮營魂頓踈
健病目暫虛明郢曲高誰和羞將叩缶并

苦雨

積雨欲侵旬朝晡漫不分蒼涼微露日慘澹已生雲地
半成泥滓天應厭垢氛時聞度鷓鴣空外自為羣

酬師道雪夜見寄

玉樹交橫雪後天銀河沈著斗欄干筆峯微結冰絲澁
燈暈初成花燼殘太學先生羶苦薄公車倦客履仍單
欲吟佳句到清曉夜寂愁聞金石寒

昌言有詠石髮詩三章模寫精楷殆難復加僕
雖未睹茲物而已若識之久者輒復強為三

詩以繼其後非敢庶幾肩差適足為前詩之

輿臺耳

校理石揚休

萬古風濤浸石巖老苔垂足細鬢髮傳聞海底珠無數
何事從來散不簪

金闕銀城仙客居欲傳消息問麻姑蓬萊無物堪為信
剪寄蒼龍一握鬚

琅菜來從若木邊

西王母傳有碧海之琅菜

非膏非沐綠宛延玉盤

委積羞佳客不是陶家無饌錢

錢子高有徐浩詩碑石昌言借摹其文甫及數

本石有微黷懼而歸之子高答簡有碎珊瑚

之戲昌言以詩贈子高同舍皆和

司諫錢彥遠

徐公精筆老生神石刻猶能妙奪真幾為通書翻喪寶
愈令好事惜傳人鋒鋌半折猶能健圭璧微瑕自足珍
直使盡隨如意碎石家玉樹未全貧

昌言家園書所收最多

又和雪霽

南宮來幾時挾纒易春衣意謂花將晚何言雪尚飛夜

聲通旅枕曉色弄晴暉繼日勞王事離離鴈已歸

又和二月五日夜風雪

春風正豪怒夜雪復飄揚勿使羈愁亂自知清興長簾
疎聲淅瀝燈冷暈微茫此夕牛衣客成名不可忘

喜范景仁直秘閣

延閣屹中天積書雲漢連神宗重其選國士此為偏夫
子岷嶠秀聲名俊造先清標峻不極勝氣駛無前待價
猶懷壁臨歧首著鞭介推不求顯張季久方遷玉檻鉤

陳上丹梯北斗邊帝容瞻日角

問有太宗聖容

宸翰照星躔職

秩曾無貴光華在得賢公卿殊未晚尚少買臣年

和伯鎮再入館

甘泉獻賦人流落浙江濱自嘆三年謫歸來萬事新銓
衡時進對戶牖日相親明主方思賈非徒問鬼神

雙竹詩

上苑通丹禁脩林繞玉堂周阿紆鏤檻並榦擢新篁蕭
灑駢瑤甃連翩拂壁璫虬騰雙角直鯨噴兩鬚長曉泊

金匱四庫全書
卷八
煙華重晴留雨氣涼分音成律呂齊秀待鸞風碧借雲
霞潤清依日月光物情知有謂天造固無方比節羣誠
合虛心至道彰吾君愈勤德不敢有嘉祥

秦人

楚旗獵獵益山紅回首咸陽一炬空惆悵秦人虛用意
幾年辛苦得山東

山頭春色

天意欲迴煦羣生稍鬱蒸平田猶未徧絕嶺獨先升翠

色添崖柏寒聲折澗冰誰為物外友
挈手共同登

和子淵除夜

緹室重飛玉瑄灰物華全與斗杓回
依依殘臘無情別
歷歷新春滿眼來強取酒卮浮翠柏
懶開粽葉覓楊梅
男兒努力平生志肯使功名落草萊

和子淵元夕

神嶽嵯峽闕角齊銀蟾無影玉繩低
風傳絲管交加發
燈滉星河上下迷清醴橫飛金鑿落
香塵不染錦鄣泥

誰知此夕齋祠客近在宮城槐柳西

冬夜

冬夜何其永寒光四泐寒鴈橫星歷歷人靜漏迢迢破
屋霜應重荒庭雪未消不眠何所念達曉思無憊

答劉遵父謝龐公惠炭

東郭先生履半穿禦冬深愧主人賢應憐道上雪欲積
意使爐中灰復然麪藥暗添寒酒力圖書共免濕薪煙
茅齋斗似饒光彩客至何憂臘後天

興宗許菊久之未得

邵元

菊栽許送定如何庭下不堪秋草多
九日無花更無酒
便攜藜杖直相過

得菊栽并詩

黃花小塢和煙斲野興蕭蕭已相逐
同來更得兼詩句
久立看詩忘栽菊

和同舍對菊無酒

黃花倚秋色曄曄為誰開
更使窺殘榼空令洗舊杯
嗅

香行繚繞樵藥立徘徊盡日柴門外白衣來不來

聶之美訪及不獲展奉以詩為謝

昔君來闕下定館必吾廬今者雖相值依然是索居

之美

館於僧舍

不堪休沐少便使往還疎深愧原思巷空迴長者

車

蘇門先生

長嘯蘓門石行藏世莫知道遙心迹遠寂寞姓名誰鄉
在無何有時方不可為麒麟本神物安得係而羈

和沖卿喜雨偶成

萬里風隨快雨來，塵昏消伏早光開。
物情濯熱參差喜，天意為仁容易迴。
簾映薄寒燈有暈，牕含虛白麝成煤。
君侯雅有江湖興，蕭灑何須氣象催。

寄贈致仕劉都官

諷張元常云諷年六十二致仕夫婦皆徙居簡州賴山中

有二子皆有官其一登進士第諸孫皆好書

星郎年未至辭祿，一向高目瑩棲靈氣眉。
疎出秀毫骨中自有樂，身外盡徒勞。
回首紅塵地紛紛，笑我曹

解紱沱江外，誅茅井絡邊。老萊夫婦隱，韋孟子孫賢。浮

蟻邀旁舍，蹲鴟種薄田。不須親几杖，想望已蕭然。

范景仁詩

云移家尚恐青雲淺，隱几唯知白日長。朱公綽詩云：疏草焚來應見史，橐金散盡只留書。

和吳省副

中復字仲庶

梅花半開，招憑由張司封飲

伯玉字

公達

帝鄉春色嶺頭梅，高歷年華犯雪開。正與嘉賓思共醉，
不須芳物重相催。從車貯酒傳呼出，側弁簪花倒載迴。
風雨難期王事劇，未知休沐幾旬來。

依韻和仲庶省壁畫山水

畫工執筆已心遊稍稍蘅皋引杜洲堆案煩文猶倦暑
滿軒新意忽驚秋天生賢者非無謂官遇明時未易休
正恐怒飛朝暮事丹青難得久淹留

太博同年葉兄

紆

以詩及建茶為貺家有蜀牋

二軸輒敢繫詩二章獻於左右亦投桃報李
之意也

閩山草木未全春破類真茶采擷新雅意不忘同臭味

先分疇昔桂堂人

西來萬里浣花牋舒卷雲霞照手鮮書笥久藏無可稱
願投詩客助新編

秋夕不寐呈諫長樂道龍圖

雨氣生煙暈霜寒入漏聲踈籬過螢影腐葉掩蟲鳴丘
壑違初願簪裾徇外榮丹心終夜苦白髮詰朝生恩與
乾坤大身如草木輕何階見明主垂拱視升平

始平公以光得免使北賜之以詩謹依韻酬和

皇華將命得人難專對非才輒自言幸免驅車涉沙漠
尚容載筆侍宣溫不唯羞屈穹廬膝無奈常遊魏闕蒐
衮職區區未能補何時餘論奉清樽

孟嘗

冠蓋盈門意氣豪海魚兼雨未充庖歸來散盡三千客
方悟時人市道交

喜李侍郎東之得西京留臺

賤子何為者栖栖今二毛滄波浮片葉大塊載秋毫利

物物何補營身身已勞羨君遺世網脫屣一何高

始平公新作雙樗庵命光為詩

間氣生王佐多才秉國鈞棟隆憑杞梓節勁仰松筠底
績承平業遺榮壽考身結廬依散木退讓樂天真

忝職諫垣日負憂畏緬思雲夫處士老兄蕭然
物外何樂如之因成浮槎詩寄獻以抒鄙懷

秋水浮槎客漂如一葉輕鷗羣須仗信鯨口幾忘生耿
耿天津澗滔滔海浪驚何時還故土懷糈問君平

奉和何濟川代書三十韻寄諸同舍

金馬延羣儁，芸香聚衆書。香疑神境絕，深與世塵踈。氣
逼煙霄爽，光分日月餘。不材叨誤選，故友幸聯居。雲蓋
森胡騎，天閣謹契魚。後先陪賈馬，左右揖嚴徐。朱閣霜
清外，璇題日上初。辭林精采擷，藝圃縱遊漁。決勝楸枰
暝，窮歡綺席舒。朝昏升紫闥，咫尺待彫輿。玉壘俄鄉思，
銅符忽詔除。綵衣承几杖，華轂照園廬。四郭柑垂蔭，千
塍稻散渠。壺漿迎露冕，鏡吹擁高旟。有德能仁虎，無欺

恥怒狙道途繁揖讓犴獄絕淪胥滯穗棲場圃鳴杼靜
里間貧寧費官燭饑不如家蔬翁子懷青綬文園駕赤
車古今相與校勝負定何如上正開宣室人方誦子虛
追鋒行入謁委佩復傳臚撫已聊晞驥臨民遽起予居
然耗廩祿豈不愧簪裙鵝翼顏何厚錐囊意未攄因循
戀糠粃汨沒老塗淤自顧徒為爾誠非益者歟俄承呂
公檄遂策阮生驢驛騎傳巴徼詩筒達魯墟琳琅固無
價燕石敢沽諸

和始平公貽一二賓僚

儒冠藹藹從平津東閣由來盛衆賓終始何嘗忘教育
高卑曾不間踈親共陪樽俎無虛日空喜谿山得主人
白雪屢歌殊未和自知羞愧後車塵

留客

酒煙漠漠自生春舞袖飄飄拍拍新須信客歸絲竹散
清風白月解愁人

和始平公長句寄漢州何學士

勢交倏忽易蕭條賴有伊人尚建標須信松筠凌雪茂
肯為蒲柳望秋凋欽賢高館三年別廣漢專城百舍遙
書紙如雲詩叩玉數憑疾翼度青霄

何濟川有書見貽云以親老須守遠郡以便祿
養不得如光在主人幕下因以詩答

千騎駸駸簇畫輶高旌大蓋五驂騶齋中酒美連翩醉
湖上花繁爛漫遊雞犬相聞通故里旨甘不絕奉晨羞
只應朝夕平津閣得向君前立勝籌

二月十一日與一二僚友遊叔禮園亭以詩戲

呈

下馬久徘徊林芳殊未開春風真有意須待主翁來

十四日小園置茶招宗聖應之皆辭以醉為詩

贈之

草樹弄春暉家家倒載歸誰憐獨醒客日暝掩雙扉

同僚有獨遊東遊者小詩寄之三首

車馬東城路芬芳數里塵風光不相待愁殺未遊人

咫尺東園樂無如簿領何春風連夜惡聞道落花多
城樓傳晚鼓稍稍訟庭稀起拂衣中土還騎款段歸

小詩招僚友晚遊後園二首

五陵年少競春暉肥馬銀鞍白玉羈何似松間煮新茗
更來花底覆殘棋

麥田小雨隴微青草樹欣欣照晚晴花下客來醒亦好
猶勝閉戶過清明

小園晚飲

賦得春字

公府豐暇豫真成棄擲春
招邀俱勝友爛漫醉芳辰
花艷穠無敵文鋒健有神
猶勝擁朱墨終日坐埃塵

李花

得韻同前

嘉李繁相倚園林淡泊春
齊紈剪衣薄吳紵下機新
色與晴光亂香和露氣勻
望中皆玉樹環堵不為貧

東臆

臨風梳短髮蕭颯晚涼新
不識市朝客何如江海人
沈吟憑几歛側帶紗巾濁
世事無盡東臆聊放神

奉和始平公酬大資政吳侍郎

道盛經綸業文高翰墨場雍容偃藩地密邇釣璜鄉
回首紅塵遠清心白日長山形抱城堞谿影照公堂

穉稔干塍碧芙蓉萬頃香跨波橫略約逼地亞簷簷大
埜禾麻溢高齋几席涼夔龍屢賡唱東壁正垂光

晚行後園見菊戲宜甫

野菊荒無數班班初見花徑須求一醉試遣問東家

野菊

野菊未嘗種秋花何處來羞隨衆草沒故犯早霜開寒
蝶舞不去夜蛩吟更哀幽人自移席小摘泛青杯

秋夜

城上調秋角煙間發暝鐘風枝搖宿鳥霜草覆寒蛩久
負觀書樂端愁束帶恭慙因羣吏散還得遂幽慵

再呈宜甫

西家壺已倒次第向東鄰朱戶如堅閉黃花惡笑人
宜甫家有金鈴菊客未之識因代菊贈宜甫

主人倦邀客寂寞委蒼苔此日開無益明年不復開

深夜

疎星映戶月流天羣動收聲四寂然嗟爾寒螿怨何事
悲吟徹曙亦無眠

奉和始平公喜聞昌言修注

鳳口除書下九閣簪紳拭目仰殊恩曉提麟筆依華蓋
日就螭坳記聖言桃李新陰方藹藹驂騮老志更軒軒
主人喜見相如達趣召鄒枚洗玉樽

光與昌言俱出始
平公門下昌言時

十年五

秋雨蕭條聞宗聖案伎應之飲酒詩呈宜甫

寒風細雨未晴天密似輕塵薄似煙一室獨吟圖史亂
四鄰高會綺羅鮮鴈飛斜柱絃隨指蟹薦新螯酒滿船
自笑不歌仍不飲昏昏只解枕牀眠

宜甫東樓晚飲

賓主俱歡醉高樓迥倚空形忘羈檢外酒散笑談中晚
市煙初白秋園葉半紅登臨不厭數朝夕是寒風

昌言謫官符離有病鶴折翼舟載以行及還修
注始平公以詩問之命光同賦二首

曾下青田啄玉苗泥沙病羽久蕭條謫仙不欲留塵世
依舊提攜上碧霄

相閣書傳紫閣深破緘先問九臯禽不令一物傷天理
仁愛方知真宰心

和聶之美重遊東郡二首

躍馬津亭未幾何宦遊容易十年過飄飄空似隨流梗

寂寞猶為掛壁梭西嶺應餘當日翠南湖真減幾分

波

之美云南浦比
舊水洄過半

輸君尚得飛征蓋重向春園聽舊歌

南湖重過正逢春官柳雖疎亦解新臺榭傾歆賓友散
臨風愁殺獨遊人

大熱

山澤欲焦枯炎光滿太虛不知天地外暑氣復何如

夷齊

夷齊雙骨已成塵獨有清名日日新
餓死溝中人不識

可憐今古幾何人

龍女祠後塘自生荷花數枝與史誠之更相酬

和七首

平湖漠漠芰荷稠水國芳春不勝秋空有棹歌人不見
晚風一曲去悠悠

越女行歌縱棹輕蒼茫別浦晚煙凝荷花折盡不歸去
潑灑扁舟不易勝

荷底清漣照綺羅長安公子舊情多躊躇不去知君意

重唱吳音白紵歌

賀監家居逸興饒
枝分鑑水閣容舸
穿荷宜去邀漁叟
共醉船頭半榼醪

清江向晚採蓮稀
獨倚蘭舟久未歸
目斷可堪人不至
斜風細雨濕羅衣

素舸朱蓬青竹篙
棹歌風散近還遙
斜陽借問歸何處
家住水村郎姓蕭

別殿無人梨自芳
玉階朱檻繞金塘
館娃寂寞無西子

羞與吳宮競曉粧

贈楚法曹叔度

夫君能直節不恥楊曹輕道果因時屈官無當已榮松
杉雖偃蹇霜霰苦崢嶸會有良工識終觀大器成

寄揚州侯都監仲倫

木落淮南樹秋風日夜高月臨揚子渡雪捲廣陵濤不
得同蕭散何因破鬱陶空憑尺書速未解夢魂勞

感懷

昨日春冰破水邊今朝臘雪墜風前歲華過目疾飛鳥
壯志如何不著鞭

之美舉進士寓京師此詩寄之

結髮聲華盛無疑屈未伸何妨久垂翅從此欲驚人鷹
擊天風壯鵬飛海浪春行當解故褐不惜化京塵

風雨數日不見叔度晚約公明共詣之二首

雲雪連朝閣朋從歎坐違臨文與誰共開卷為君稀趣
掃六花散聊通一徑微當攜兔園賦同映讀書幃

南榮卮酒罷君返道東居坐作三朝別杳疑千里餘閒
門嗟雀網深潭怯柴車向晚開簾喜彤雲稍覺踈

贈吳之才

勝冠自立艱難裏大器由來貴晚成松柏儻非生磊落
巖崖何易出崢嶸蘇秦遊困羞妻嫂主父居貧厭弟兄
六印佗年擁車騎會須重過洛陽城

寒食許昌道中寄幕府諸君

原上煙蕪淡復濃寂寥佳節思無窮竹林近水半邊綠

桃樹連村一片紅
盡日解鞍山店雨
晚天回首酒旗風
遙知幕府清明飲
應笑驅馳羈旅中

和叔度獨登天臺水亭

郊外靈潭閣新亭
占曲隄戲魚迎墜絮
驚雉出荒蹊綠
倒楊梢亂光翻
芰葉齊雨餘
纖月偃野迥
斷雲低水氣
常噴薄天風
助慘悽
何知塵外境
近在郡樓西

喜孫器之來自共城

取友不無人愛君
天性真遠尋窮巷
宅未拂滿衣塵
主


禮貧尤重交情別更親誰家釀醇酒盡醉準衣巾

和聶之美鴈

汲汲復栖栖往來誰與期映雲纔可見入霧杳難追
羈枕夢初斷寒閨涕已危冥冥遠繒繳愧爾獨知時

送王太祝豫知伊闕

百里驩迎新令賢儒經吏術盡家傳天開嶺阜竦雙闕
地雜桑麻隘一川錦雉馴飛春陌上雪鳧高去夕嵐邊
長才久屈君無限所惜斯民受賜偏



大正十四年

傅經法

十一

傳家集卷八

欽定四庫全書

集部
傅家集卷九至十二

詳校官庶吉士臣李如筠

檢討臣何思鈞覆勘

總校官庶吉士臣倉聖脈

校對官監丞臣張魯炳

謄錄監生臣張龍升

欽定四庫全書

傳家集卷九

宋 司馬光 撰

律詩四

和何濟川漢州西湖雜詠十七首

清風臺

太守金閨客天朝應對才
非因板輿戀寧駕使車來
水鑑秋毫盡霜鋒錯節開
清風偏千里不獨此高臺

佇月亭

燈火動魚磯湖邊過鳥稀孤蟾久未上五馬不成歸長
嘯風生座高吟露滿衣閒情無日厭岸幘對清暉

藥圃

三蜀膏腴地偏於藥物宜小畦千種聚春雨一番滋山
相慙多識桐君未偏知佗年似胡廣養壽復扶衰

竹塢

二何迹相繼竹塢日陰森

濟川詩注云前守何脩撰
不伐西湖竹予亦遵之欲

識養民意先觀愛物心低垂樽俎冷密映管絃深勿恠

湖光少年來碧影侵

射棚

疊鼓花前急紅旌竹外高驚飈分白羽餘響振烏號壯
觀傾春陌謹聲湧夜濤因茲刑禮俗豈獨事遊遨

玉徽亭

房公昔漂泊置酒此鳴琴人事有憂樂山光無古今風
流俱寂寞結構尚蕭森松竹含虛籟猶疑絃上音

書樓

使君有書癖記覽浩無涯况此孤樓迥端無外物評橫
肱歌曲几搔首落烏紗此趣人誰識長吟牕日斜

朔會堂

朔旦集俺吏茲堂簪組繁舞空孤鶴下映日兩鳧翻花
散東方騎萍浮北海樽須知太守貴銃吹引朱輪

浮觴亭

曲水華椽下浮觴去復還浪搖花影碎日射酒缸殷滅
沒送尋客徘徊怯度灣窮歡不知醉清泚照心顏

清燕亭

波澄蔭羣木永日湛清華
碧篠靜秋色白蘋低晚花
松聲工醒酒泉味最便茶
外事付丞掾無妨風景嘉

流芳橋

橋下流芳度餘春日夕催呼人
洗樽筓招客藉莓苔倚
柱時流滯隨波乍往迴
仙家如不近安得此花來

曉景亭

簾櫳分曉色遠樹子規啼
濃露侵衣冷晴煙壓水低
神

遊靈境健身入畫圖迷衙吏無煩報河洲鷺正棲

假山

廣漢土平遠已嫌丘壑踈呼工刻巖洞應手出庭除縹
渺神仙宅嵌空虎豹居人功與天力秀絕兩何如

探花橋

橋邊春意近五馬屢徘徊湖水旦暮綠林花早晚開
因嘗酒到又為賦詩來借問雙華表經過日幾回

樂軒

繁絃凝綠水疊鼓揅漁陽風結舞初急塵飛歌正長鳧
鷺爭上下棟宇為低昂太守且安坐新聲未遽央

坐船

使君張皂蓋高宴碧湖心苒弱牽菱蔓夷猶泊柳陰晚
風侵坐冷春浪沒篙深倒載歸何晚波間夕照沈

枇杷洲

周官欽珍味場人掌國之場圃而樹之果蒞珍異之物
以時欽而蒞之鄭康成曰珍異蒲桃枇杷
屬漢苑結芳根初修上林苑羣臣遠方各
獻名果異樹有枇杷十株何意荒洲上

猶餘嘉樹存
犯寒花已發
迎暑實尤繁
願逐蒲萄使
離宮奉至尊

寓泊鄭圃寄獻昌言舍人

旅食緇衣館
飄蓬帆自迷
樹橫寒霧遠
山隱古原低
愁暮空庭雀
驚晨別墅雞
故人何處在
依約玉繩西

奉和始平公憶東平二首

相印東臨汶
水陽兩看春
葉與秋霜登
山置酒延鄒
湛上馬回鞭
問葛強溪竹
低垂寒滴翠
露荷相倚淨
交香

宵衣深念長城固肯得從容傲醉鄉

千巖秀色擁晴川萬頃陂光上下天委地魚鹽隨處市
蔽空桑柘不容田訟庭虛靜官曹樂儒服寬長邑里賢
不為從知方負羽獨乘魚艇老風煙

和運使舍人北園餞別行憇三交僧舍冒雪宿
百井關見寄

驪駒北上雪孱顏
矚矢前驅度漢關
僧室松杉清照眼
驛亭煙火迥依山
馬銜邊草枯猶瘦
鴈怯胡雲冷未還

賤子不須回首問鬢毛
蕭颯簿書間

又和留題定襄驛

按節羊腸阪
褰帷並塞州
仁風熙愛日
清德凜高秋
甘澤隨征蓋
華星近戍樓
佗年叱馭事
直筆寄歌彪

又寄獻

承明共直廬
瞬息八年餘
幸託屏星駕
前迎使者車
跡雖殊貴賤
心不置親疎
青眼披情素
猶如相見初

自嘲

英名愧終賈高節謝巢由直取雲山笑空為簪組羞浮
沈乖俗好隱顯拙身謀惆悵臨清鑑霜毛不待秋

讀穎公清風集四首

伊臯垂訓皆王度周召陳詩盡國風非獨立言方不朽
相君功業自無窮

人生百歲隙中光唯有高名久不忘千古但令編簡在
清風養物一何長

佳城鬱鬱闕英靈幸有文章見典型開卷未終雙袖濕

目前髣髴對淵庭

一言華袞足為榮况託文編久愈明鄒湛不逢羊叔子

世間何處復知名

公集有遺
光詩數章

贈狄節推

國賓梁
公之孫

天馬雲孫在終然骨相竒泥塗辱雖久霜雪志難移白
髮無嗟老青衫莫厭卑為山已九仞高節肯中衰

感春

積草滿春庭衡門永晝扃波頭何事白柳眼為誰青榮

落浮雲度悲歡熟醉醒繁華非我物隨意任飄零

不寐

四遠寂然羣動收只餘嚴鼓度坊樓無由更續三更夢
何處飛來一點愁

雞

羽短籠深不得飛久留寧為稻粱肥膠膠風雨鳴何苦
滿室高眠正掩扉

皇祐二年謁告歸鄉里至治平二年方得再來

愴然感懷詩以紀事

十六載重歸順塗歌式微青松弊廬在白首故人稀外
飾服章改流光顏貌非巫咸舊山色相見尚依依

辭墳

嘉祐元年通判并州因公事至絳私歸拜墳不敢至夏縣而去於今十年矣

十年一展墓旬浹復東旋豈負襁褓愛橫遭章綬纏更
未知幾日遺恨恐終天慟哭出松徑悲風為颯然

謁三門禹祠

信矣禹功美獨兼人鬼謀長山忽中斷巨浸失橫流迹

與天地久民無魚鼈憂誰能報盛德空爾薦醜羞

巖巖青崖裂喧喧白浪豪客舟浮木葉生理脫鴻毛栢映孤

峯短

水際孤峯甚細而高上有小栢耆舊相傳不知幾何年矣而止長尺餘人莫測其理

銘書絕

壁高

唐太宗刻銘砥柱之陰魏鄭公撰字幾盈尺殘缺僅可讀

河師不耕織容易戲

風濤

遊三門開化寺

山石古來色河流無盡聲行船自往返羣木幾枯榮狂
象調難伏空華滅復生我來何所得聊此濯塵纓

三月十五日宿魏雲夫山莊二首

先生嫌俗賓猶與故鄉親不惜烟霞地暫容纒鎖身
林廬深有徑雞犬四無鄰藪藪閣花墮蒼蒼古木春
飯炊松粒細盤采蕨芽新靜覺精神健閒知氣味真
谿泉冷毛髮山翠濕衣巾竹色消醒易林聲破夢頻
客輪來去轍驛路古今塵明日空回首白雲應笑人

聞道山家門鎮開獨驅瘦馬出塵埃白雲明月先無約
何事今宵亦此來

留別逢吉

君念承明臭味稀相逢惜別重依依會稽太守方坐嘯

東郭先生還步歸

嚴助朱買臣皆為會稽守東郭先生孝武時待詔公車

樂飲林

塘留節物餞行里舍動光輝雙旌迴去行人發一帶長

舉煙雨微

陝城桃李零落已盡硤石山中今方盛開馬上

口占

西望飛花千樹暗東來芳藥一番新行人不惜泥塗倦

喜見年光兩處春

自澠至洛循穀水行百餘里

已煩穀水遠相送更得嵩峯遙見迎
水碧峯青看未足却愁前到洛陽城

田橫墓

在偃師西

昔時南面並稱孤今日還為絳灌徒
忍死祇能添屈辱偷生不足愛須臾
一朝從殉傾羣客千古生風激懦夫
直使強顏臣漢帝韓彭未必免同誅

登平陸北山田瞰陝城奉寄李八丈學士使君

二十二韻

漢家二千石體望向來尊
况復嚴徐客從前
益稷孫公侯貴不絕禮
樂器長存符竹臨
分陝聲光應列藩
親闡

先契重

三司同僚

子舍近交敦

滑州同幕

柏壑依仁域
棠陰接故

園懷歸聊露請
予告入推恩
荷祿煩彊候
停車下郡門

帷席紛大館
駟騎屈朱轡
不以黎苗待
還將臭味論
森羅牢禮重
滅裂俗儀煩
霜霽威嚴息
春生笑語溫
草微

侵碧甃塵不染華軒日影搖雲棟風痕過玉樽落塵歌
迥出激楚裊雙翻雅戲象交局珍肴熊薦躡河梁俄首
路汾曲訪吹塤舉手辭雙戟騰裝改北轅烏飛城樹晚
鴈泊野蕪暄耿耿清標闊泔泔宿酒昏百蟠縈阪道數
里豁川原跋馬風煙外依稀鼓吹喧

員村坂

其東八政水即古之傅巖有傳說
廟又東北虞城古虞公之國也

穹谷鬱盤紆河瀕陝北隅泉流涓不絕岡勢儼相扶初
旭紛高下空煙似有無石灘醒耳快嶠樹宰雲孤天霽

嵐光合人稀草色蘇牧兒歌自若樵子遠相呼壞道傍
連傳空城右指虞窮巖今寂寞蔓草只荒蕪野店寒餐
涖山程瘦馬瘠物華供興趣亦是慰崎嶇

頃為諸生常受經於錢丈學賦於張丈今迺叨
忝同為侍臣蒙錢丈置酒張丈賜詩愧悚之
深言志為謝

疇昔勝冠日曾為絳帳生九言聞至教一顧得虛聲不
意叨嚴近於今接老成寧須詩酒賜侍坐已知榮

次韻和韓子華寒食休沐與諸公同會趙令園
暮歸馬上偶成

冠蓋連翩陌上來風光爛漫擁樓臺
玉卮貯酒隨宜飲綺席尋花觸處開
小雨前宵先撥火季春明日又吹灰
須知勝集人間少惆悵金羈容易迴

景仁招遊東園馬上口占

適野自可愛况逢佳主人馬穿官柳影
衣拂帝城塵物外誰知樂樽前別有春
年華已消歇歷歷見松筠

贈河中通判朱郎中

壽昌侍郎巽之子襁抱中母劉氏被出壽昌長而訪

之不能得熙寧中知廣德軍年五十三乃乞尋醫身自訪求得於同州為民黨氏妻壽昌歸奏授封邑壽昌揚州人以其母子孫俱在同州故折資通判河中

陟屺今將老扶牀昔未行
旨甘無所展朱紫不為榮
里巷傳呼入比鄰失涕驚
方知貫金石何以易精誠

蘇才翁子美有贈扶溝白鶴觀黃道士詩紀于
屋壁歲久漫滅今縣宰周同年得完本於民

間抵予求詩

潦倒黃冠無足論
白頭嗜酒住荒村
狂名偶為留詩著
陳迹仍因好事存
金石鏘洋虛殿寂
龍蛇灑落古牆昏
飛黃滅沒浮雲外
疲馬何能望駿奔

長垣道中作

極目王畿四坦然
方輿如地蓋如天
始知恃險不如德
去殺勝殘已百年

再使河北

桑麥青青四月初
皇華使者又脂車
為臣豈得辭王事

只向金鑾坐讀書

河北道中作三首

綠柳陰中白浪花
河邊日日暗風沙
解鞍縱馬悄無事
隱几看書隨處家

河勢東迴今幾年
濃陰滿目盡桑田
川原變化無終極
一氣不為常寂然

原上纍纍古冢高
昔時意氣盡賢豪
斷碑名姓已磨滅
永日東風吹野蒿

夜發長垣

長塗暑氣劇永日卧郵亭晝伏如牆鼠宵行似野螢歇
鞍沙月白拂面柳風醒歷歷瞻雲漢誰為二使星

和景仁瓊林席上偶成

時康與禹玉景仁次道之子同時登科在

席

念昔瓊林賜宴歸綵衣綠綬正相宜將雛雖復慰心喜
負米翻成觸目悲殿角花猶紅勝火樽前髮白白如絲
桂林衰朽何須恨幸有新枝續舊枝

早朝書事

太白明如李東方三丈晨光孤照闕霧氣濕侵袍槐
柳經霜慘驂馱得路豪素餐無小補俛仰愧金龍

登長安見山樓

到官今日纔得一朝閒歲晚愁雲合登樓不見山

和吳仲庶寄吳瑛比部安道之子壯年致政歸

隱蘄春

負米承親願已賒

遭母憂服除遂致仕

恥隨雞鶩啄泥沙一朝投

絃真高士萬卷藏書舊世家齒髮未衰非藥物山林不
返為雲霞龐眉尚有郎潛者徇祿憂生直可嗟

別長安

暫來還復去夢裏到長安可惜終南色臨行子細看

初到洛中書懷

三十餘年西復東勞生薄宦等飛蓬所存舊業惟清白
不負明君有樸忠早避喧煩真得策未逢危辱好收功
太平觸處農桑滿羸取閭閻鶴髮翁

和景仁題崇福宮

歷歷山頭雪冷冷松下風樽中亦有酒恨不與君同
不獨山頭白人頭亦垂素積雪有時消青山色如故

早行

寒犬吠柴門荒雞鳴遠村河聲空自急月影不曾渾木
木星猶白榛中露已繁客心獨惆悵四顧與誰言

酬終南閻諫議

詢字
謙道見寄

齒衰心力耗揣分乞西臺微祿供多病閒官養不才弊

廬容嘯傲清洛伴歸來故友猶相念寒光生死灰

寄成都吳龍圖同年

照席燭花煖隨車劍騎寒江山資秀句風月助清歡政
簡坤維靜仁深井絡安行歌與獨酌豈得並閒官

花庵獨坐

荒園才一畝意足已為多雖不居丘壑常如隱薜蘿忘
機林鳥下極目塞鴻過為問市朝客紅塵深幾何

秋夜

浮雲一消散星斗粲長天
浩露灑翠柏清香生白蓮
體涼猶衣葛耳靜已無蟬
坐久羣動息秋空唯寂然

平日遊園常策筇杖秋來發篋復出貂褥二物

皆景仁所貺覩物思人斐然成詩

筇杖攜已久貂褥展猶新
漸染岷山雪拂除京國塵
危扶醉歸路穩稱病來身
賴此齋中物時如見故人

雲

晴空碧於水那得片雲飛
映日成丹鳳隨風變白衣
去

來皆絕迹隱顯兩忘機
天理誰能測終然何所歸

閒來

閒來觀萬物在處可逍遙
魚為貪釣得蛾因赴火
焦碧梧飢鷺驚白粒飽鷓鴣帶索誰家子
行歌復採樵

贈邵堯夫

家雖在城闕蕭瑟似荒郊
遠去名利窟自稱安樂巢
雲歸白石洞鶴立碧松梢
得喪非吾事何須更解嘲

花庵多牽牛清晨始開日出已瘁
花雖甚美而

不堪留賞

望遠雲凝岫粧餘黛散鈿縹囊承曉露翠蓋拂秋煙嚮
慕非葵比彫零在槿先才供少頃玩空廢日高眠

花庵二首

誰謂花庵小纔容三兩人君看賓席上經月有凝塵
誰謂花庵漏徒為見者嗤此中勝廣廈人自不能知

和楊卿中秋月

秋氣平分夜沈陰乍散天窺林初淡薄照席忽孤圓冷

入詩毫健光浮醉弁偏嘉賓勿輕去桂影正娟娟

樂

吾心自有樂世俗豈能知不及老萊子多於榮啓期
緼袍寬稱體脫粟飽隨宜乘興輒獨往攜筇任所之

和邵堯夫秋齋登石閣

飛簷危檻出林端王屋嵩丘咫尺間獨愛高明遊佛閣
豈知憂喜滿塵寰目窮莽蒼纖毫盡身得逍遙萬象閒
暇日登臨無厭數悲風殘葉已珊珊先生冬夏俱不出

和河陽五宣徽

拱辰字君貺

九日平嵩閣宴集

九日英僚集，千秋勝賞同。
飛橋貫河渚，危閣壓霜風。
金散黃花泛，雷驚疊鼓通。
百峯高鳥外，萬里寸眸中。
檻底臨丹葉，杯中倒碧嵩。
來雲低拂座，去鴈遠沈空。
吹帽陪遊阻，搖旌結想叢。
風流免堙沒，鄒湛倚羊公。

和任開叔觀福巖院舊題名

墨蹤塵淡鬢華新，猶喜重來值故人。
二十二年如轉目，洛陽不改舊時春。

柏梯寺

鑿石開蹊跋登崖置閣危笑談空谷應步武白雲隨衆
壑如翻浪鄰州若布棊何當遂棲隱身世兩相遺

重過華下

昔辭蓮幕去三十四炎涼舊物三峯雪新悲一鑷霜雲
低秦野闊木落渭川長欲問當時事無人獨嘆傷

和李君錫惠書及詩勉以早歸

書意勤渠詩意新清如白雪暖如春西遊不盡谿山樂

策馬歸來就故人

和君錫雪後招探春

莫嫌微雪壓梅芽已有歸鴻泊浦沙
天上詔來難久駐直須早看洛陽花

又和早春夜雪

繁雲四夜雪淩亂落春雲虛幌寒相襲
華堂靜不聞玉卮深可敵銀燭近微分
誰念牛衣客窮經白髮紛

醉

厚於太古暖於春耳目無營見道真果使屈原知醉趣
當年不作獨醒人

雪寒取酒

雪意久未就寒雲低不收飄揚插孤幟迢遞映高樓試
假賢人濁聊攻客子愁呼僮攜小榼更準黑貂裘

留別東郡諸僚友

際日浮空漲海流蟲沙龍蜃各優游津涯浩蕩雖難測
不見驚瀾曾覆舟

白璧紫金為世寶，賢愚知貴莫能名。
廟堂祭器杯盤物，隨處得之光彩生。

楚國良金百鍊精，深藏求售價連城。
豈徒豐獄吹毛利，兼有秦臺照膽明。

祖帳飄揚堤柳邊，北來飛蓋復連翩。
追隨不忍輕言別，回首城樓沒晚烟。

空府同來賢大夫，短亭門外即長塗。
不辭爛醉樽前倒，明日此歡重得無。

追和張學士從沂公遊廣固城

蒼鵝集宋幕遊鹿上燕臺霸氣山河盡王師江漢來重
圍經歲合嚴鎖夜深開廢殿餘沙礫頽牆翳草萊清時
間千歲良牧借三台獄市乘餘暇蕪城賦上才

去歲與東郡幕府諸君同遊河亭望太行雪飲
酒賦詩今冬罷歸京邑悵然有懷

疇昔追清景狂吟忘苦寒河水塞津口山雪照林端健
筆千篇富醇醪一醉歡困猶揮落塵暝不顧歸鞍多是

光陰駛離羣會合難誰知塵滿袖今日客長安

貢院中戲從元禮求酒

太常博士畢田

顧我虛壘恥知君餘瀝多庭前有春雪如此薄寒何

石昌言學士宰中年日為詩見寄久未之答今

冬罷武成幕來京師比詩詩謝之

楊休

昔年三月浪鱗翼化雲雷竹箭流俱上芙蓉幕對開

楊休

釋褐昌言除同州推官光華州判官

潘泉揚沸渭泰華聳崔嵬捧檄容歸

省飛觴復屢陪

時先人知同州光以吏事時往省覲復得與昌言遊

芬芳襲芝室

嘉慶侍蘭堦吳璧評殘筆隋碑讀漬苔

同州龍興寺即隋文帝故宅寺

有李德林撰碑國公吳道子書畫或未就而止云以俟後之能者

清陰依玉樹和氣樂

春臺薄宦俄成別私門忽遇災一朝捐綵服五載泣羸

縗季路還從仕任安獨見哀近畿須健令劇邑試長才

過目金牛解迎鋒巨枿推雉畱乘蔭伏蝗避境苗迴時

得鳴琴暇仍飛麗句來正知榮篋筍無足報瓊瑰紈鼓

俄攀鄧安車已召枚賦成平樂館燕奉柏梁盃自顧誠

駕緩于今尚草萊履穿羞路雪蓋敞怯京埃儻借餘光

便炎風動死灰

昌言見督詩債戲呈絕句

學餒才貧杼軸勞
踰年避債負詩豪
倒囊不惜償虛券
未敵瓊瑤舊價高

靜夜

午夜空齋四悄然
清寒透骨不成眠
秋風故揭疎簾起
正漏月華來枕前

春

紅桃素李競年華
周偏長安萬萬家
何事青青庭下柏
東風吹盡亦無花

寄題陟岵寺

鄭南峯下寺前軒
反景分明見渭川
為報十年容易別
於今愁悴不如先

寄鄭縣史令千之

前君為白馬尉廡舍前即南浦今西溪封內勝地也

憐君比比得佳縣
勝槩閒情雙有餘
為看西溪日沈後
如何南浦月生初

長春宮柳遠扶疎
新樹應多舊已枯
蠹柱苔牆偏寄歷
古亭猶有杜詩無

閏正月十五日夜監直對月懷諸同舍

二首

霧淨金波溢天開
碧幕空夜寒雖料峭
春意自冲融
熠枝上露脩脩
竹杪風整還林野
興不似畜樊籠

澹泊春雲散
伍昂北斗橫
微分漢津鴈
靜識建章更
濁酒憐虛爵
高文憶友生前
軒空不掩悵
息負孤清

歸鴈

亦知南國稻梁肥
水滿春江努力歸
聞道楚人繒繳細
平沙短草盡藏機

傅家集卷九